



Adresa: **Ul. Hamdije Čemerlića 39a**
71000 Sarajevo
<http://www.voda.ba>

tel. +387 33 726 400
fax. +387 33 726 423
e – mail: info@voda.ba

Broj: **UP–1/21-3-40-070-4/22**

Datum: **09.05.2022. godine**

«Agencija za vodno područje rijeke Save» rješavajući po zahtjevu pravnog lica, «INMER» d.o.o. Gradačac, za donošenje rješenja o vodnoj dozvoli za ispuštanje tehnoloških i oborinskih onečišćenih otpadnih voda sa lokaliteta pogona za preradu mlijeka i proizvodnju mliječnih proizvoda u Industrijskoj zoni grada Gradačca, na osnovu člana 109. stav (1) tačka 2. Zakona o vodama («Službene novine Federacije BiH», broj 70/06) i člana 200. stav (1) Zakona o upravnom postupku («Službene novine Federacije BiH» br. 2/98 i 48/99), donosi

R J E Š E N J E **o vodnoj dozvoli**

1. Daje se vodna dozvola pravnom licu, «INMER» d.o.o. Gradačac, za ispuštanje tehnoloških i oborinskih onečišćenih otpadnih voda sa lokaliteta pogona za preradu mlijeka i proizvodnju mliječnih proizvoda u Industrijskoj zoni grada Gradačca lociranog na zemljištu označenom kao k.č. 738/1 K.O. Gradačac I, grad Gradačac.
2. Vodna dozvola se daje na osnovu dostavljene dokumentacije, utvrđenog činjeničnog stanja i uz sljedeće uslove:
 - 2.1. Da se upotreba i korištenje predmetnog pogona vrši u skladu sa njegovom prirodom i namjenom te u skladu sa dostavljenom dokumentacijom i uslovima iz ove vodne dozvole.
 - 2.2. Da se za vrijeme trajanja ove dozvole obezbijedi da se tehnološke otpadne vode nastale pranjem tehnološke opreme, transportnih cjevovoda, spremnika cisterni za dopremu mlijeka, platoa na kome se vrši pretakanje mlijeka, posuda za preradu mlijeka, te pranja podova i radnih površina, nesmetano sakupljaju i odvođe do postrojenja za tretman tehnoloških otpadnih voda. Krajnji ispust prečišćenih voda je u gradsku kanalizacionu mrežu.
 - 2.3. Da se za vrijeme trajanja ove dozvole izgradi posebno reviziono okno neposredno nakon postrojenja za tretman tehnoloških otpadnih voda a prije ispusta u recipijent. Ovo okno predstavljat će okno za monitoring, odnosno mjesto na kojem će vršiti kontrola kvaliteta ispuštene vode (monitoring definisan tačkom 2.8. ovog rješenja).
 - 2.4. Da se poduzmu sve potrebne mjere kojima bi se obezbijedilo da prečišćene tehnološke otpadne vode, prije ispuštanja u krajnji recipijent – gradska kanalizacija, zadovolje granične vrijednosti emisija otpadnih voda utvrđene u Prilogu 4. Uredbe o uslovima ispuštanja otpadnih voda u okoliš i sisteme javne kanalizacije («Službene novine Federacije BiH», broj 26/20 i 96/20).
 - 2.5. Da se za vrijeme trajanja ove dozvole obezbijedi da se oborinske onečišćene vode sa platoa, parking i manipulativnih površina nesmetano sakupljaju sistemom slivnika i kanalizacione mreže i odvođe do uređaja na tretman tj u separator ulja i masti sa krajnjim ispustom prečišćenih voda u rijeku Gradašnicu.
 - 2.6. Prečišćene oborinske otpadne vode moraju ostati u maksimalno dopuštenim granicama definisanim članom 14. Uredbe o uslovima ispuštanja otpadnih voda u okoliš i sisteme javne kanalizacije.
 - 2.7. Objekte čija je svrha odvođenje i prečišćavanje otpadnih voda (separatori ulja i masti, neutralizator, slivna rešetka, kanalizaciona mreža) treba redovno održavati i koristiti na način koji će obezbijediti njihovu potpunu ispravnost i funkcionalnost.
Čišćenje i pražnjenje uređaja za tretman otpadnih voda, odnosno separatora ulja i masti može vršiti isključivo firma ovlaštena za tu vrstu djelatnosti, prema posebnom ugovoru. Korisnik je obavezan da redovno vodi dnevnik o pražnjenju i odvozu sadržaja separatora ulja i masti te izdvojenom talogu iz istih.

- 2.8. Korisnik objekta je dužan, putem laboratorije ovlaštene od strane Federalnog ministarstva poljoprivrede, vodoprivrede i šumarstva, vršiti redovna ispitivanja kvaliteta otpadnih voda, uzimanjem uzorka efluenta iz okna za monitoring na dva mjerna mjesta (neposredno nakon tretmana tehnoloških otpadnih voda a prije ispusta u gradsku kanalizacionu mrežu i nakon tretmana onečišćenih oborinskih voda a prije ispusta u rijeku Gradašnicu) u skladu sa Uredbom o uslovima ispuštanja otpadnih voda u okoliš i sisteme javne kanalizacije. Učestalost i način ispitivanja vršiti u skladu sa članom 20. Uredbe o uslovima ispuštanja otpadnih voda u okoliš i sisteme javne kanalizacije. Rezultate analiza dostaviti ovoj Agenciji.
- 2.9. Izvještaje o ispitivanju i ocjeni kvaliteta otpadnih voda može uraditi isključivo laboratorija ovlaštena od strane Federalnog ministarstva poljoprivrede, vodoprivrede i šumarstva po osnovu člana 64. stav (3) Zakona o vodama i Pravilnika o uslovima koje moraju ispunjavati referentne odnosno ovlaštene laboratorije za ispitivanje voda, sadržaj i način davanja ovlasti («Službene novine Federacije BiH», broj 14/10, 14/3, 26/14, 15/17, 23/17 i 41/20).
- 2.10. Talog/mulj iz separatora kao i ostali opasni i neopasni otpad, ne smiju se ni privremeno odlagati na česticu «vodno dobro» odnosno u vodotoke i na njegove obale.
- 2.11. Praktikovati suho čišćenje prije pranja vodom kako bi se što više uklonile nečistoće sa radnih površina, trošilo manje vode za pranje te smanjilo zagađenje voda.
- 2.12. Koristiti sredstva za pranje koja su prikladna okolinskim zahtjevima.
- 2.13. U skladu sa propisima iz oblasti zaštite okoliša vršiti bezbjedno skladištenje i postupanje sa opasnim materijama i otpadom nastalim na predmetnom lokalitetu (adekvatnim mjerama onemogućiti bilo kakvo isticanje i rasipanje opasnih i štetnih materija na tlo i u vode).
- 2.14. Investitor je obavezan pridržavati se svih mjera i uslova propisanih u saglasnostima i dozvolama izdatim od strane drugih nadležnih organa, a odnose se na korištenje i zaštitu voda i nisu u suprotnosti sa uslovima iz ove vodne dozvole.
3. Na osnovu utvrđenog stepena zagađenja ispuštenih otpadnih voda izraženog preko broja EBS –a (ispitivanje urađeno od strane ovlaštene laboratorije) u skladu sa Zakonom o vodama («Službene novine Federacije BiH», broj 70/06) i Pravilnikom o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte vodne naknade i posebnih vodnih naknada, Poglavlje III («Službene novine Federacije BiH», broj 92/07, 46/09, 79/11, 88/12 i 03/16), vlasnik, odnosno korisnik objekta je obavezan za utvrđeni broj EBS-a prema rezultatima ispitivanja plaćati posebnu vodnu naknadu za zaštitu voda.
4. U periodu važenja ove dozvole, Korisnik je dužan provoditi sve mjere i aktivnosti propisane istom.
5. U slučaju izvanrednih situacija, havarijskih onečišćenja i drugih sličnih okolnosti, čime bi bio ugrožen kvalitet podzemnih i površinskih voda, korisnik objekta obavezan je izvjestiti nadležne organe i izvršiti izvanredna postupanja po nalogu nadležnih organa, te o vlastitom trošku uzroke štete otkloniti, a nastale štete nadoknaditi.
6. Ukoliko usljed štetnog djelovanja voda nastalog zbog neizgrađenosti ili nedovoljne osposobljenosti (zaštitnih) vodnih objekata dođe do nastanka štete na predmetnom objektu autopraonice obuhvaćenom ovom vodnom dozvolom, korisnik zaštitnih vodnih objekata nije odgovoran za nastale štete.
7. Ukoliko radom predmetnog objekta dođe do šteta ma kakvog karaktera, korisnik vodne dozvole je dužan uzroke nastalih šteta otkloniti, a nastale štete trećim licima nadoknaditi.
8. Prava stečena po ovoj dozvoli ne mogu se prenositi na treća lica, a ista prestaju u skladu sa odredbama Zakona o vodama.
9. U ovoj upravnoj stvari plaćene su sve upravne pristojbe.
10. Ova vodna dozvola, shodno članovima 117. stav (1) i 129. Zakona o vodama se daje sa rokom važenja od 5 (pet) godina od dana pravosnažnosti ovog rješenja.
11. Prije isteka važnosti ove dozvole Korisnik je dužan da podnese zahtjev za izdavanje nove vodne dozvole.
12. Ovo rješenje o vodnoj dozvoli može se izmijeniti ukoliko za to nastupe razlozi utvrđeni u članu 130. stav (1) tačka 1., 2., 3. ili 4. Zakona o vodama, a zainteresirane stranke podnesu argumentiran zahtjev za izmjenu ovog vodnog akta.

Obrazloženje

Pravno lice, «INMER» d.o.o. Gradačac, obratilo se ovoj Agenciji dana 16.02.2022. godine sa zahtjevom za izdavanje vodne dozvole za ispuštanje tehnoloških i oborinskih onečišćenih otpadnih voda u prirodni recipijent sa lokaliteta pogona za preradu mlijeka i proizvodnju mliječnih proizvoda u Industrijskoj zoni grada Gradačca lociranog na zemljištu označenom kao k.č. 738/1 K.O. Gradačac I, grad Gradačac.

U provedenom postupku dostavljena je i pregledana sljedeća dokumentacija:

- Ovjerena kopija Aktuelnog izvoda iz sudskog registra (bez broja) izdatog dana 16.08.2021. godine od strane Općinskog suda u Tuzli,
- Kopija Uvjerenja o registraciji/upisu u Jedinstveni registar obveznika indirektnih poreza broj: 04/1-UPP/1-8855/07 izdatog dana 01.08.2007. godine od strane Uprave za indirektno-neizravno oporezivanje Banja Luka,
- Kopija katastarskog plana za parcelu označenu kao k.č. 738/1 K.O. Gradačac I izdata dana 25.06.2021. godine od strane Službe za geodetske i imovinsko-pravne poslove Grad Gradačac,
- Izvod iz prostornog plana izdat dana 06.10.2021. godine od strane Službe za urbanizam, investicije i komunalne poslove Grad Gradačac,
- Kopija Rješenja o upotrebi objekta – mljekara sa pratećim sadržajima broj: 03-23/5-1776/04 izdatog dana 06.07.2004. godine od strane Službe za komunalne poslove i poduzetništvo Općina Gradačac,
- Kopija Rješenja o upotrebi elektroenergetskog objekta broj: 06/1-23/3-3118/17 izdatog dana 17.01.2018. godine od strane Službe za urbanizam, investicije i komunalne poslove Općina Gradačac,
- Kopija Rješenja o upotrebi rekonstruisanog objekta kotlane broj: 06/1-19-3-4470/20 izdatog dana 10.02.2021. godine od strane Službe za urbanizam, investicije i komunalne poslove Grad Gradačac,
- Kopija Rješenja o vodnoj dozvoli broj: 04/1-13-25-10787/17 za korištenje voda i ispuštanje sanitarno-fekalnih otpadnih voda izdatog 10.04.2017. godine od strane Ministarstva poljoprivrede, šumarstva i vodoprivrede Tuzlanskog kantona,
- Kopija Rješenja o okolinskoj dozvoli broj: 12/01-1-19-27454/21 izdatog dana 15.12.2021. godine od strane Ministarstva prostornog uređenja i zaštite okolice Tuzlanskog kantona,
- Kopija Saglasnosti za priključak na gradsku vodovodnu i kanalizacionu mrežu broj: 01-104-2004 izdate dana 23.01.2004. godine od strane «Komunalac» d.d. Gradačac,
- Kopija Uvjerenja o priključku na gradsku vodovodnu mrežu broj: 02/1-652/2022 izdatog dana 11.04.2022. godine od strane JP «Komunalac» d.d. Gradačac,
- Kopija ugovora za čišćenje kanizacionih instalacija i čišćenje separatora sa usisavanjem i odvoženjem taloga na deponiju zaključen dana 10.01.2013. godine sa «HEMO-pral» d.o.o. Modriča (prilog: Izvještaj/potvrda o izvršenim poslovima od 16.01., 26.04., 06.08. i 04.12.2021. godine),
- Kopija Ugovora za monitoring otpadnih voda zaključen dana 04.08.2021. godine između «INMER» d.o.o. Gradačac i Instituta za hemijsko inženjerstvo d.o.o. Tuzla,
- Završni izvještaj o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «INMER d.o.o. Gradačac urađen od strane Instituta za hemijsko inženjerstvo d.o.o. Tuzla (broj protokola 559/21, oktobar 2021. godine,
- Kopija Izvještaja o ispitivanju kvalitativnih i kvantitativnih karakteristika efluenta sa programom praćenja stanja voda (monitoring) i rezultatima monitoringa za «INMER d.o.o. Gradačac urađen od strane Instituta za hemijsko inženjerstvo d.o.o. Tuzla, (broj protokola 663-021, oktobar 2021. godine,
- Kopija Izvještaja o rezultatima ispitivanja tereta zagađenja otpadnih voda preduzeća «INMER d.o.o. Gradačac izraženog preko EBS-a, august 2021. godine,
- Radni zapisnik o čišćenju separatora ulja i masti broj: 10-08/21 od 12.08.2021. godine i faktura broj: 001442-1 od 16.08.2021. godine sačinjeni od «DELTA PETROL» d.o.o. Kakanj,
- Glavni projekat proizvodne hale (knjiga 3 – hidroinstalacije) urađen od strane «ARHICON» (broj: 73/1-P/03, decembar 2003.godine),
- Kopija Rešenja o vodnoj dozvoli broj: UP-I/25-3-40-042-4/17 izdatog 06.03.2017. godine od strane «Agencije za vodno područje rijeke Save» Sarajevo,

- Opći akt o održavanju, korištenju i osmatranju vodnog objekta (bunar BMI-2) i postupanju u slučaju kvara ili havrije, maj 2021. godine,
- Kopija uplatnice upravne takse.

Nakon izvršenog uvida u dostavljeni zahtjev i priloženu dokumentaciju utvrđeno je da su uz zahtjev dostavljeni potrebni prilozi, te je ovaj organ u skladu sa odredbama Zakona o upravnom postupku pokrenuo postupak u cilju utvrđivanja relevantnih činjenica u ovoj upravnoj stvari.

U skladu sa članom 12. stav (5) i (6) Pravilnika o sadržaju, obliku, uslovima i načinu izdavanja i čuvanja vodnih akata («Službene novine Federacije BiH», broj 31/15, 55/19 i 41/20), izvršen je obilazak predmetnog pogona u Industrijskoj zoni Gradačac te je sačinjen zapisnik o izvršenom uviđaju broj: UP-1/21-3-40-070-3/22 od 30.03.2022. godine.

Na osnovu dostavljene dokumentacije i izvršenog uviđaja na licu mjesta utvrđeno je sljedeće:

Predmetni pogon izgrađen u Industrijskoj zoni u Gradačcu čine sljedeći objekti: objekat za preradu mlijeka, proizvodni objekat, bazen ledene vode, kotlovnica na plin, kotlovnica na drva, objekat za prijem mlijeka, hlorinator, skladišta gotovih proizvoda i repromaterijala, upravna zgrada te saobraćajno i radno-manipulativne površine. Za isti je od strane Agencije dana 06.03.2017. godine izdato Rješenje o vodnoj dozvoli broj: UP-I/25-3-40-042-4/17.

Tehnološke operacije obrade sirovog mlijeka su: prijem, prečišćavanje, hlađenje, skladištenje, termička obrada, pasterizacija, fermentacija, homogenizacija, cijepljenje čistom kulturom, sterilizacija, zrenje, pakovanje i skladištenje mlijeka i mliječnih proizvoda (pavlaka i jogurt). Kapacitet proizvodnje je oko 130 t/dan.

Tehnološke otpadne nastale u proizvodnom postupku ispiranjem postrojenja poslije čišćenja lužinom ili kiselinom, pranjem spremnika cisterni za transport mlijeka i tehnološke opreme se odvođe na neutralizaciju a potom se, zajedno sa otpadnim vodama nastalim pranjem transportnih cjevovoda, radnih površina i podova, kanalizacionim sistemom odvođe do trokomornog separatora ulja i masti na tretman (priloženi računi o čišćenju separatora od strane «HEMO-pral» d.o.o. Modriča). Krajnji ispušt prečišćenih voda je u gradsku kanalizacionu mrežu kojom upravlja JP «KOMUNALAC» d.d. Gradačac. za koji je od strane Agencije izdato Rješenje o vodnoj dozvoli broj: UP-I/25-3-40-489-4/20 od 14.01.2020. godine. Sanitarno-fekalne otpadne vode iz toaleta za uposlene se prikupljaju zasebnim kanalizacionim sistemom a potom ispuštaju u gradsku kanalizacionu mrežu.

Oborinske onečišćene vode sa saobraćajnih i radno-manipulativnih površina prikupljaju se sistemom linijskih slivnih kanala i odvođe na tretman u tipski separator ulja i masti sa prelivom u rijeku Gradašnicu (priložen račun o čišćenju obavljenom dana 12.08.2021. godine od strane «DELTA PETROL» d.o.o. Kakanj).

Od strane Ministarstva poljoprivrede, šumarstva i vodoprivrede Tuzlanskog kantona izdato je dana 10.04.2017. godine Rješenje o vodnoj dozvoli broj: 04/1-13-25-10787/17 za zahvat vode za tehnološke potrebe iz vlastitog bunara.

Monitoring otpadnih voda se vrši redovno od strane Instituta za hemijsko inženjstvo d.o.o. Tuzla. Na osnovu uvida u dostavljeni Završni izvještaj o rezultatima ispitivanja kvaliteta (monitoring) otpadnih voda za period od septembra 2020. do septembra 2021. godine (8 puta/god) te Izvještaj za oktobar i decembar 2021. godine, januar i februar 2022. godine utvrđeno je da vrijednosti ispitivanih parametara zadovoljavaju granične vrijednosti emisija otpadnih voda utvrđene u Prilogu 4. Uredbe o uslovima ispuštanja otpadnih voda u okoliš i sisteme javne kanalizacije.

Prema dostavljenom Izvještaju o rezultatima ispitivanja tereta zagađenja otpadnih voda izraženog preko EBS-a, urađenom u augustu 2021. godine, utvrđen je ukupan teret zagađenja otpadnih voda izražen kao ekvivalentni broj stanovnika: EBS=7.710 ES-a.

Na osnovu dostavljene dokumentacije i uviđaja izvršenog na predmetnoj lokaciji, u svrhu smanjenja negativnih uticaja predmetnog objekta i aktivnosti na stanje voda i vodni režim, podnosiocu zahtjeva su ovom vodnom dozvolom u tački 2. dispozitiva Rješenja propisani uslovi kojih se dužan pridržavati prilikom korištenja objekta u skladu sa odredbama članova 53. i 116. Zakona o vodama i članova 12. i 13. Pravilnika o sadržaju, obliku, uvjetima načinu izdavanja i čuvanja vodnih akata i odredbama člana 3. tačka s) i člana 15. Uredbe o uslovima ispuštanja otpadnih voda u okoliš i sisteme javne kanalizacije. Tačka 3. dispozitiva Rješenja je propisana u skladu sa tačkama 12., 29., 31. i 35. Pravilnika o načinu obračunavanja, postupku i rokovima za obračunavanje i plaćanje i kontrolu izmirivanja obaveza na osnovu opšte i posebnih vodnih naknada («Službene novine Federacije BiH», broj 92/07, 46/09, 79/11, 88/12 i 03/16) i Odlukom o visini posebnih vodnih naknada («Službene novine Federacije BiH», broj 46/07, 10/14 i 03/16).

Podnosilac zahtjeva uplatio je posebne troškove prema Zaključku ove Agencije broj: UP-1/21-3-40-070-2/22 od 28.02.2022. godine.

Konstatuje se da je podnosilac zahtjeva, «INMER» d.o.o. Gradačac, ispunio minimum uslova za izdavanje vodne dozvole za ispuštanje tehnoloških i oborinskih onečišćenih otpadnih voda sa lokaliteta pogona za preradu mlijeka i proizvodnju mliječnih proizvoda u Industrijskoj zoni grada Gradačca te je riješeno kao u dispozitivu ovog Rješenja.

Podnosilac zahtjeva je uplatio upravnu taksu u skladu sa Zakonom o izmjenama i dopunama zakona o federalnim upravnim taksama i tarifi federalnih upravnih taksi («Službene novine Federacije BiH», broj 06/98, 8/00, 45/10, 43/13 i 98/17).

Uputa o pravnom lijeku:


Protiv ovog Rješenja može se uložiti žalba Federalnom ministarstvu poljoprivrede, vodoprivrede i šumarstva u roku od petnaest dana od dana prijema Rješenja.

Žalba se predaje ovom organu neposredno ili preporučeno poštom. Žalba se taksira sa 15 KM administrativne takse prema tarifnom broju 3. Tarife federalnih administrativnih taksi.

Obrađivač akta:

Nermina Hodžić, dipl.ing.građ.

Po ovlaštenju
Rukovodilac sektora za izdavanje vodnih
akata



Haris Ališehović, dipl.ing.građ.

Dostaviti:

- «INMER» d.o.o. Gradačac
ul Željeznička bb, 76250 Gradačac
- AVP, ISV – Vodna knjiga
- Sektor 50,
- ⊖ Sektor 40, arhiva
- oglasna ploča – AVP Sava